

PROTYKI DŽĚLAĆ

čo. 52

- a) knihi wjazać, jako knihiwjazar dźělać
- b) něšto planować
- c) nahle z něčim přestać

Prawa je wotmołwa **b**.

Protyka je kalender. Jeli dźělamy protyki, sonimy hižo relatiwnje konkretnje wo přichodže, planujemy dalše projekty, předewzaća abo žiwjenske zaměry.

Takle móžeš to tež prajić

něšto planować_{ip}, wotpohlad měć_{ip}, sej něšto předewzać_p, so z mysličku nosyć_{ip}, něšto wotmyslene měć_{ip}, něšto naćisnyć_p, něšto wupjec_p, něšto wulahnyć_p

Příklady z rěčneho korpusa

„Och, ta zaklata wójna!“ Zaso pola njeho sedžeše a dźělaše *protyki*, kak so tu z tych wotežkow najlěpje wušmjatać. (Anton Nawka, Pod wopačnej flintu, Budyšin 1964)

Kozelska, z hněwom wša žehliwa, *dźělaše* strašne *protyki*. Flemming da potajnje hrodowsku stražu zwolać, zo by – byrnjež to přećiwu Awgustowej woli bylo – dał njepřećela złapać. (J. I. Kraszewski: Hrabina Kozelska. Nakład Domowiny Budyšin 1956)

Tohodla poča *protyki dźělać*, kak by swój zmylk porjedził. (Michał Nawka, Na běrnach. Powědančka a skicy, Budyšin 1965, 2. nakład 1983)